



TOSHKENT DAVLAT YURIDIK UNIVERSITETI REKTORINING B U Y R U G ' I

15.09.2023

156-um-son

2023/2024 o'quv yili uchun Toshkent davlat yuridik universiteti bakalavriati sirtqi ta'lim shakliga iqtisodiyot tarmoqlarida kamida besh yil ish stajiga ega bo'lgan fuqarolarni o'qishga qabul qilish bo'yicha Suhbat komissiyasi hamda suhbat natijalari bo'yicha Apellatsiya komissiyasini tashkil etish to'g'risida

O'zbekiston Respublikasi Prezidentining 2022-yil 15-iyundagi "Davlat oliy ta'lim muassasalariga o'qishga qabul qilish jarayonlarini tashkil etish to'g'risida"gi PQ-279-son qarori hamda O'zbekiston Respublikasi Vazirlar Mahkamasining 2021-yil 4-noyabrdagi 675-son qarori bilan tasdiqlangan Iqtisodiyot tarmoqlarida kamida besh yil ish stajiga ega bo'lgan fuqarolarni sirtqi va kechki ta'lim shakliga suhbat natijalariga ko'ra tabaqalashtirilgan to'lov-kontrakt asosida o'qishga qabul qilish tartibi to'g'risidagi nizomning 7 va 15-bandiga asosan, shuningdek O'zbekiston Respublikasi ta'lim tashkilotlariga qabul qilish bo'yicha Davlat komissiyasi majlisining 2023-yil 21-iyuldagi 32-3-son bayoni hamda O'zbekiston Respublikasi Oliy ta'lim, fan va innovatsiyalar vazirligining 2023-yil 31-avgustdagi 2/10-4/2-548-son xati ijrosini ta'minlash maqsadida,

BUYURAMAN:

1.2023/2024 o'quv yili uchun Toshkent davlat yuridik universiteti bakalavriati sirtqi ta'lim shakliga iqtisodiyot tarmoqlarida kamida besh yil ish stajiga ega bo'lgan fuqarolarni o'qishga qabul qilish bo'yicha Suhbat komissiyasi tarkibi 1-ilovaga muvofiq tasdiqlansin.

Suhbat komissiyasi (A. Xashimhonov):

tavsiyanomaga ega bo'lgan abituriyentlarning ish faoliyati ular hujjat topshirgan yurisprudensiya bakalavriat ta'lim yo'nalishiga mos kelishi aniqlanishini;

tavsiyanomaga ega bo'lgan abituriyentlar tanlagan yurisprudensiya bakalavriat ta'lim yo'nalishi ularning ish faoliyatiga mos emas deb topilgan taqdirda, ular imtihonga qo'yilmasligini va bu haqda ish beruvchilar xabardor qilinishini;

tavsiyanomaga ega bo'lgan abituriyentlar bilan suhbat jarayoni to'liq videokuzatuv ostida o'tkazilishini ta'minlasin.

2.2023/2024 o'quv yili uchun Toshkent davlat yuridik universiteti bakalavriati sirtqi ta'lim shakliga iqtisodiyot tarmoqlarida kamida besh yil ish stajiga ega bo'lgan fuqarolarni o'qishga qabul qilish uchun o'tkazilgan suhbat natijalari yuzasidan abituriyentlarning apellatsiya shikoyatlarini ko'rib chiqish bo'yicha Apellatsiya komissiyasi (keyingi o'rinlarda – Apellatsiya komissiyasi) tarkibi 2-ilovaga muvofiq tasdiqlansin.

Apellatsiya komissiyasi (B. Xodjayev):

o'z faoliyatini kollegiallik, xolislik va betaraflik prinsiplari asosida amalga oshirilishini;

apellatsiya faqat abituriyent ishtirokida, suhbat jarayoni yozib olingan videotasvir asosida ko'rib chiqilishini;

apellatsiyalarni ko'rib chiqish natijalari yuzasidan qabul qilingan qarorning mazmun-mohiyatini abituriyentlar e'tiboriga yetkazilishini ta'minlasin.

3.Elektron universitet bo'limi boshlig'i A. Karimov:

suhbat jarayonlarini kuzatuvchilar uchun ajratilgan alohida kutish joyiga "YouTube" ijtimoiy tarmog'i orqali to'g'ridan-to'g'ri onlayn translatsiya qilib borilishini;

suhbat jarayoni yozilgan videoyozuvlarni ularni belgilangan tartibda saqlash masalasini hal etish uchun Qabul jarayonini tashkil etish bo'limiga (A. Norqulov) taqdim etilishini ta'minlasin.

4.Qabul jarayonini tashkil etish bo'limi (A. Norqulov) suhbat o'tkazish jadvalini universitet rasmiy veb-saytida suhbat o'tkazilishidan kamida 5 kun avval joylashtirilishini ta'minlasin.

5.Devonxona (X.Abdullayev) mazkur buyruqni manfaatdor tarkibiy bo'linmalarga yetkazsin.

6.Ushbu buyruqning ijrosini nazorat qilishni o'z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Bo'lim boshlig'i

A.NORQULOV



Kelishildi:

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Katta yuriskonsult

A.TURSUNOV



Ilmiy ishlar va innovatsiyalar
bo'yicha prorektor

B.XODJAYEV



Bosh mutaxassis

D.ABDULLAYEV

